

天元道善時清志超生死達理愛憎無鍊真明奧旨
妙清靈慧知道解死生危依得金剛偈通真霄漢梯
覺照見天光神清道有常應塵明萬慧真去禮丹陽
業盡無煙火謙柔弗競我氣神相見靈道證無爲果
明道通真用形忙心不動垂光照巨靈結就真陽汞
常搜自己非達理掩他非道德真經悟不言閑是非
覺了性無爭真清似水平德通全上善自是行功盈

頌曰

順真則生違道者死順真則平違道者濁順真則柔違道者剛
順真則福違道者禍順真則安違道者病順真則昇違道者墮

道藏輯要

仙樂集

九

胃集四
X-6

順真則鍊鉛違道者喪命順真則神靈違道者氣逆魂魄散爲
鬼陰陽聚成仙身心靜者爲功應變夷者爲行志始終則達覺
清善則通居山則莫著於閭混塵則休生於動或隱洞天或遊
京華性似孤雲形如野鶴自然之道微光有作住行坐臥萬物
無愆蛻殼真歸出離三界永免輪迴無來無去

三字歌

汾陽解易象明通天外汾陽解五千明不言拜汾陽解金剛明
眞佛壞汾陽解萬物盡惟道在汾陽解混世華無罣礙汾陽解
性命存超三界汾陽解達希夷知沒賽汾陽解古今明悟法海
汾陽解近松筠道遙快汾陽解無價珍錢難買汾陽解樂清虛

常甯耐汾陽解了真修結契蓋自然解世人住我不愛

十二勸

有信人從有真歸奉有謙德順有通理明有常無變有定無亂
有是忘非常善無惡真愛無著忘情無漏氣清通微全道神靈

十勸

一勸不得自知是愆過慢人縱意不改二勸不得自失錯嗔人
道著常起念怨人三勸不得自衒己是直言常說他人非四勸
不得誇自高滅一切入道之人五勸不得不依經教說道理六
勸不得有始無終心意常要似初相見之時七勸不得常說他
世人之短只要常言世人之美處八勸不得作事不平等不得
見有施利者愛見無施利者嫌九勸不得定慧者修行之人不
得不守靜未達理未開悟不得不看書十勸不得執著有無不
得不悟住行坐臥心常清靜

四言頌

述懷

功成身退清居養浩臨水依山閑看莊老地有松筠四時常好
洞天深處要行便到修真靈驗命住見効舊業消亡新愆莫造
真崇至道與世顛倒歸去淵明先遊蓬島趁了輪迴仙鄉無惱
古今達士因通三教

又

道藏輯要

仙樂集

三

胃集四
川名川